



Kementerian Kesihatan Malaysia
Aras 2, Blok E3, Parcel E,
Pusat Pentadbiran Kerajaan
Persekutuan
62590 Putrajaya
Email : noraryana@moh.gov.my

KENYATAAN AKHBAR MENTERI KESIHATAN MALAYSIA

MERAFAK SEMBAH MENJUNJUNG SETINGGI-TINGGI KASIH KEPADA KE BAWAH DULI YANG MAHA MULIA SULTAN IBRAHIM IBNI ALMARHUM SULTAN ISKANDAR ATAS TITAH PERINTAH MELARANG PENJUALAN ROKOK ELEKTRONIK DAN VAPE DI NEGERI JOHOR DARUL TA'ZIM

Kementerian Kesihatan Malaysia menjunjung setinggi-tinggi kasih kepada Ke Bawah Duli Yang Maha Mulia Sultan Ibrahim Ibni Almarhum Sultan Iskandar di atas Titah Perintah Melarang Penjualan Rokok Elektronik dan Vape di Negeri Johor Darul Ta'zim, bermula 1hb Januari 2016.

Titah perintah Duli Yang Maha Mulia Sultan Ibrahim Ibni Almarhum Sultan Iskandar dipuji oleh Kementerian Kesihatan Malaysia kerana tindakan Duli Yang Maha Mulia Tuanku adalah mengutamakan kesihatan rakyat, melebihi perkara-perkara yang lain.

Perkara ini juga disambut baik oleh Kementerian Kesihatan Malaysia kerana ianya selari dengan hasrat Kementerian untuk mencapai Generasi Malaysia Bebas Dari Sebarang Amalan Merokok menjelang tahun 2045, di mana Titah perintah ini akan membantu mengawal masalah merokok secara amnya dan menurunkan amalan vape yang tidak terkawal ketika ini.

Titah perintah ini juga membantu Kementerian Kesihatan Malaysia di dalam mengawal ketat isu rokok elektronik dan vape. Semoga dengan Titah Ke Bawah Duli Yang Maha Mulia Tuanku berkaitan perkara ini, kesihatan rakyat di negeri Johor Darul Ta'zim akan semakin meningkat dan dicontohi oleh negeri-negeri yang lain.

**YB DATUK SERI DR S. SUBRAMANIAM
MENTERI KESIHATAN MALAYSIA
29 November 2015**